

## § 1

### **Qarasaasiaqarnermut ataatsimiititaliap siunertai**

Kommuneqarfiit ataatsimoorlutik qarasaasiatigut ataatsimiititaliaat tassaavoq "Kommuneqarfiit ataatsimoorlutik qarasaasiatigut suleqatigiiffiannut", KAQA-mut suleqatigiissitatut aqutsisussaq, siunertaralugu KAQA-mi ilaasortanut kommuninut iluaqutaasinnaasunik suliniutinut, iliuuserisaasunut sammisassanullu aallarniisussaaneq, ilanngullugit

- Kommuneqarfinni ataatsimoorussatut ineriartortitsinissamik suliassat suliniutillu ingerlanniarneqartussat aalajangersorlugillu tulleriissaarnissaat
- "Kommuneqarfiit ataatsimoorussatut Ineriartortitsinissamut agguassassaannut" suliffeqarfinnut atatitanut ataasiakkaanut kommunit ukiumoortumik akiliutaasa annertussusaanik aalajangiussineq aqutugalugu kommuneqarfiit ataatsimoorlutik ineriartortinnissaannut aningaasaqarnikkut killissaasup aalajangersornissaa isumannaarnissaanullu peqataaqataanissaa
- Qarasaasiaqarfimmi kommunit attaveqarfilikkat pingaarnertut pilersuisunit isumaqatiginninniarnerni isumaqatiginninniaqataasarnissaa
- Qarasaasiaqarfimmi pisariaqartitanik siunnersuutigisariaqartunillu iliuuserisassat pillugit kommunit attaveqarfilikkat siunnersornissaat
- Qarasaasiaqarfiit tungaatigut apeqqutissanut allanut tamanut kommunit attaveqarfilikkat soqutigisariaanik sapinngisamik isumaginninnissaq.

## § 2

### **Qarasaasiaqarnermut ataatsimiititaliap suliassai**

Qarasaasiaqarnermut ataatsimiititaliaq ukiut tamaasa ataatsimiititalip suliap pillugit ukiumoortumik nalunaarusiortarpoq. Tassani inassutaasut ilanngunneqartarput, tassalu ataatsimiititaliap naliliinera naapertorlugu kommunit attaveqarfilikkat immikkoortortat sorliit politikikkut nakkutigisariaqagaannik, kiisalu qarasaasiaqarfimmi piviusunik suliniutinik sorlernik kommunit kaammattortariaqarnerannik imaqartunik. Nalunaarummut atatillugu Qarasaasiaqarnermut ataatsimiititaliaq qarasaasiaqarfimmi ukiup tullissaanut ataatsimiititaliap piviusunik tulleriiaarineranik imalimmik pingaarnertut suliniutissanut pilersaarut nalunaarutigisarpaa. Ataatsimiititaliap pingaarnertut suliniutissanut pilersaarutaa tunngavigalugu ukiumut tullermut Kommuneqarfiit ataatsimoorlutik ineriartortitsinissamut agguassassaasa annertussusaanut tamakkiisumut pisariaqartitassat naatsorsuutigisat pillugit ukiut tamaasaa, 1. juuni tikitsinnagu Qarasaasiaqarnermut ataatsimiititaliaq saqqummiussaqtarpoq. Nalunaaruteqarneq Kommuneqarfiit atatsimoorlutik qarasaasiatigut suleqatigiiffiata pingaarnertut pilersuisunit aamma/imaluunniit suliassanik suliarinnittorsiorsimanerininik isumaqatiginninniarnernit tunngavigalugit pisarpoq. Pisariaqartitsineq naapertorlugu Qarasaasiaqarnermut ataatsimiititaliap sammisatigut suliniutinullu suleqatigiinnit aalajangersimasunik amerlassusilinnik inuttalersuillunilu pilersitsisarpoq, taakku aaqqiinnissamut pisariaqartitsinerit suussusersisassavaat, piviusunik ineriartortitsinermik suliassat ingerlattarlugit.

## § 3

### **Qarasaasiaqarnermut ataatsimiititaliap inuttalersornera**

Kommuneqarfiit ataatsimoorlutik qarasaasiatigut suleqatigiiffianni peqataallutik kommunit tamarmiusut Qarasaasiaqarnermut ataatsimiititaliamut ilaasortassamik ataatsimik toqqagaqartarput. Ataatsimiititaliap ilaasortai imatut toqqarneqartarput sapinngisamik kommunini ataasiakkaani qarasaasiaqarfimmi aqutsisoqarnikkut aalajangiinnissamik piginnaassuseqartumik sinniisuuniartussaallutik.

#### § 4

##### **Qarasaasiaqarnermut ataatsimiititaliamut aningaasaqarnermut pissutsit**

Kommunit sinniisuuffeqartut namminnek ilaasortamik ataatsimiinnerni, aqqissuussinerni il.il. peqataasernerinut atatillugu aningaasartuutit tamaasa akilertarpaat. Qarasaasiaqarnermut ataatsimiititaliap suliaqarneranut atatillugu ataatsimoorussatut aningaasartuutit Qarasaasiaqarnermut ataatsimiititaliap aalajangiussinerata kingornatigut Kommuneqarfiit ataatsimoorussatut Ineriartortitsinissamut agguassassaasigut akilerneqarsinnaapput.

#### § 5

##### **Qarasaasiaqarnermut ataatsimiititaliap ataatsimiittarneri**

Ikinnerpaamik ukiumoortumik Qarasaasiaqarnermut ataatsimiititaliap ataatsimiittarpoq. Qarasaasiaqarnermut ataatsimiititaliap siulitaasua ataatsimiigiaqqusisarlunilu taakkuningga aqutsisuusarpoq. Qarasaasiaqarnermut ataatsimiititaliap suliaqarneranut atatillugu suliaqarfiginerani ilaasortat ikinnerpaamik affai peqataagaangata aalajangiussisarsinnaavoq. Qarasaasiaqarnermut ataatsimiititaliami taamaallaat ataatsimiittoqarsinnaavoq siulittaasoq imaluunniit taassuma taartaa, aammalu ikinnerpaamik katillugit ilaasortat sisamat najuukkaangata. Ataatsimiinnerit tamarmik ataatsimiinnissap tullissaata ulluanik aalajangiussinermik naaneqartarput. Qarasaasiaqarnermut ataatsimiititaliap ataatsimiinneri kikkunnit tamanit najuuffigineqarsinnaanngillat. Ileqqusumik ataatsimiinnerit saniatigut pisariaqassatillugu naliliiffigiguniuk siulittaasup Qarasaasiaqarnermut ataatsimiititaliap immikkut ittunut ataatsimiigiaqqusinnaavaa. Tamatuma saniatigut siulittaasumut saaffiginninnermikkut ilaasortat immikkut ittumik ataatsimiigiaqquseqqusinnaavaat. Qarasaasiaqarnermut ataatsimiititaliami ilaasortaq ataatsimiinnissamut peqataasinnaanngikkuni ataatsimiittoqalinnginnerani Qarasaasiaqarnermut ataatsimiititaliap allattoqarfianut peqataasinnaannginneq nalunaarutigineqassaaq. Taamaattoqarpat oqaaseqaatit allassimasat ataatsimiinneq sioqqullugu nassiunneqarsinnaapput. Ataatsimiititaliap ilaasortaanut Qarasaasiaqarnermut ataatsimiititaliap allattoqarfianit ataatsimiigiaqqusissut oqaluuserisassartalik nassiussorneqassaaq, ataatsimiinnerlu sioqqullugu minnerpaamik sap. akunnerinik pingasunik sioqqutsisumik ataatsimiigiaqqusissut ilaasortanit tigoreerneqarsimasariaqarpoq. Immikkut ittumik pissutissaqaraangat sivikinngusumik nalunaaruteqarnikkut ataatsimiigiaqqusisoqarsinnaavoq. Oqaluuserisassanissaaq ataatsimiinnermi suliassat sorliit suliarineqarnissaat pillugit paasissutissat ilanngunneqassapput. Ataatsimiittoqalinnginnerani kingusinnerpaamik sap. akunnerinik marlunnik sioqqutsisumik Qarasaasiaqarnermut ataatsimiititaliap allattoqarfiata ileqqusumik ataatsimiinnerni oqaluuserisassani immikkoortortat, kiisalu taakkununga atortussiat tigoreersimasariaqarparai. Ataatsimiittoqalersinnagu kingusinnerpaamik sap. akunnerinik sisamanik sioqqutsisumik Qarasaasiaqarnermut ataatsimiititaliami ilaasortat oqaluuserisassani immikkoortortanik ilanngussaqarnissamik pumasaaqateqarsinnaapput. Ilaasortat sioqqutsisumik paasissutissinnissaat tunaartaralugu ataatsimiinnissami atortussiat pingaarutillit oqaluuserisassat ilanngullugit pisariaqartitatut annertussusilikkat Qarasaasiaqarnermut ataatsimiititaliap allattoqarfiata nassiussorneqarnissaat isumagissavai. Qarasaasiaqarnermut ataatsimiititaliap aalajangiussineri imaqarniliani ilanngunneqassapput. Tamatumunnga allaqqaagaq ataatsimeereernerup kingorna sapinggisamik piaarnerpaamik - kingusinnerpaamillu ullut 14-it qaangiunnerini - ilaasortanut nassiunneqassaaq. Allaqqaakkap tigungerata kingorna ullut 14-it sioqqullugit ilaasortanit ataasiakkaanit allaqqaakkamut taassumunnga oqaaseqaatinik tigusaqartoqarsimanngippat imaqarniliaq akuerineqartuusutut isigineqassaaq. Imaqarniliaq Kommuneqarfiit ataatsimoorlutik qarasaasiatigut suleqatigiiffianni kommuninut peqataasunut tamanut nassiunneqassaaq, tamanullu saqqummiunneqarluni Qarasaasiaqarnermut ataatsimiititaliap nittartagaata ammasortaani.

#### § 6

##### **Allattoqarfiup atuuffia**

Qarasaasiaqarnermut ataatsimiititaliap suliai allattoqarfittut atuuffimmit tapersersorneqarput, ataatsimiititaliap aalajangiussinerata kinguneratigut kommuninut attaveqarfilikkat akornanni imaluunniit avataaniittunut suliassanngortinneqarsinnaasoq. Allattoqarfiup atuuffiata suliassaasa ilagaat nittartakkamik ingerlatsillunilu

## **Kommuneqarfiit Ataatsimoorlutik Qarasaasiatigut Suleqatigiiffiat**

Det Fælleskommunale IT-samarbejde i Grønland

Qarasaasiaqarnermut ataatsimiititaliap suliai pillugit paasissutissat nutarsartarnissaat. Nittartagaq kikkunnit tamanit misissugarisinnaasatut ammatitamut, aammalu suliaqarfiusup iluani Kommuneqarfiit ataatsimoorlutik qarasaasiatigut suleqatigiiffiata ataatsimiititaliaata ilaasortaannaanut ammasumut immikkoortortalerneqarsimavoq. Allattoqarfiup suliai Kommuneqarfiit ataatsimoorussatut Ineriartortitsinissamut agguassassaannit aningaasalersorneqarput. Suliassat nassuiarneri suliaassarissallu allanngortinneri Qarasaasiaqarnermut ataatsimiititaliap malittarisassat naapertorlugit amerlanerussuteqartut akuersereernerisigut, kiisalu kommuninit sinnisuutitaqarfinit politikikkut akuersissuteqarnikkut taamaallaat pisinnaapput.

### **Atuutilerfia**

Taamatut Kommuneqarfiit ataatsimoorlutik qarasaasiatigut suleqatigiiffiata 2. april 2001-mi ataatsimiinnerani 2. april 2001-imi atuuttussanngorlugu akuersissutigineqarpoq.